


ուր պէտք է. նա դիմում է խիստ սակաւաթիւ կրօնական
գրքերին, մինչդեռ շինատն ուժեղ է հէնց նրանով, որ գրքի
հետ գործ չունի, այլ ապրում է բուն իսկ ժողովրդի սրտում:



ՕՍՈՎԱՅԻ ՏԱՃԱՐԸ

«Շինտօ – դա նշանակում է հաստատուն կամք, արիու-
թիւն, պատիւ, սիրալիւր վարք եւ մանաւանդ ազնուութիւն:
Այդ կրօնի ոգին է կազմում որդիական սէրը եւ սկզբունքի
համար իր անձը զոհելու պատրաստականութիւնը: Նրա
ստեղծագործութիւնն է ճապոն կնոջ քնքոյշ սիրտը: Դա մի
տեսակ պահպանողական ոյժ է, որ ամեն կերպ արգելում
է ժողովրդին իր անցեալի լաւ կողմերը բաց թողնել՝ օտար